

TREVIRENSIS PROVINCIA.

344

gaudentibus commune, illustres tamen eruditione viros edidit. Atque inter multos Nicolaum Navium hominem usque adeo doctrina & rerum prudentia magnum, ut Curia judicialis apud Lutzenburgum Praeses, non ante munus quam vitam, Fluvium autem reliquerit sibi cognominem, qui paternas æquans virtutes, tantum apud Carolum v. Cæsarem gratia valuit, ut in toto Imperio Cancellarii Vicarius ab eo constitutus, id muneris cum vita finierit. *Arlonum* vernacule *Arlon*, situm est in Montis vertice, Opidum satis elegans. Lunam Deam hic olim gentilitio more cultam, & inde nomen habere putatur. Hic multa antiquitatis Monumenta eruta quæ Comes Petrus Ernestus hinc ad ædes suas amplissimas, quas habet in Pomcerio urbis Lutzenburgensis, transferri curavit. Patria hæc fuit Bartholomæi Latomi, Viri egregie docti. Fluminibus regio omnis rigatur plurimis. Eorum primum nobilissimumque est *Mosella*, de quo in Lotharingia diximus. Reliqua sunt *Chier*, *Mosa*, *Bemoij*, *Houl*, *Lech*, *Alsatus*, *Atardus*, *Sourus*, *Prumeus*, *Minem*, *Ghomeus*, *Orto*, *Albis*, ac innumeri pene rivuli. Montibus regio undique attollitur, silvisque innectitur densissimis. Ex omnes Arduenna totius Gallia Silvæ maximæ, rami sunt. Status Politicus, ut in ceteris i i i habet Membra, quæ sunt, i Ecclesiasticus Ordo, i i Nobiles, in quo Comitatus *Vianden*, *la Roche en Ardenne*, *Salmé*, *Durbj*, *Marche*, *S. Vit*, *S. Jansberg*: Barones complures, & Dominia multa. i i i Membrum Civitates principales, *Lutzenburgum*, *Arlonum*, *Theonis Villa*, alias *Dietenhove*, *Rodemachera*. Curia totius Provincia in urbe Lutzenburgo jus dicit, sermone vel Gallico vel Germanico, pro locorum ratione quibus jus dicitur. Germanice enim loquuntur Lutzenburgi, Arloni, Rodemachera, Theonvilla: Gallice vero Ivoys, Mommidy, Marveil & Danvilliers, atque ob hanc causam necesse est & Iudices & Advocati & alii curia Ministri utramque Linguam calleant. Ab hac autem Curia provocatur Mechliniam, ubi quæ scripta sunt Germanice bona fide Gallice redduntur.

Trevirensis Provincia.

Regio.
Situs.

Aëris temperies.

Soli qualitas.

Imperium majorem.

Hæc de Ducatu *Lutzenburgico*, sequitur *Trevirensium*, antiqua admodum ditio, cui ab urbe nomen. Terminatur a Septentrione Comitatu Nassaviensi, Ducatu Montensi & Episcopatu Colonienfi: ab Ortu Ringovia & Hafsia: a Meridie Weltrichia & Bipontino Ducatu: ab Occidente Ducatu Lutzenburgensi. Aër frequenter hic est nubilus & pluviosus, ut quidam huc accommodent cloacam Planetarum, verum id propter convallem, ubi nebula suspenduntur, evenire nonnulli asserunt. Regio ipsa inæqualis est: alicubi enim Montibus sterilibus aspera est: ob idque silvestris & squalida, & præter Avenam vix quicquam proferens: alicubi vero fecundior est versus Rhenum & Mosellam. Metalla generat varii generis, Argentum, Æs, Ferrum, Plumbum. Proprium semper Ducem legitur habuisse. Nunc autem Archiepiscopum, in Electorum ordine agnoscit Dominum. Armis autem Trevirenses ita potentes fuere, ut duce Ambiorige Cottam & Sabinum legatos Cæsaris apud Eburones interfecerint, tota funditus legione deleta. Sed capti postea sunt a Labieno. Fatetur Cæsar, Trevirorum civitatem propter